



Broj: 01-50-1-15-18/07

Sarajevo, 17. 12. 2007. godine

ZAPISNIK

18. sjednice Predstavničkog doma Parlamentarne skupštine Bosne i Hercegovine

Osamnaesta sjednica Predstavničkog doma održana je 12., 13. i 17. decembra 2007. godine.

Prvog dana rada sjednica je počela u 10 sati. Prisustvovalo je 38 poslanika. Opravdano su odsustvovali: Halid Genjac, Adem Huskić, Zlatko Lagumdžija i Denis Bećirović.

Iz Vijeća ministara BiH sjednici su prisustvovali: ministar Sredoje Nović i zamjenici ministara Srđan Arnaut i Senad Šepić.

Iz međunarodnih organizacija prisustvovali su predstavnici: OHR-a, OSCE-a, EUSR-a i NDI-ja, te nevladine organizacije Centri civilnih inicijativa.

Također su prisustvovali predstavnici Institucije ombudsmena za ljudska prava, Ureda za reviziju institucija BiH, Ureda za žalbe i Javnog RTV servisa – zbog razmatranja izvještaja ovih institucija.

Na početku sjednice predsjedavajući Doma Milorad Živković predložio je da Dom razriješi dva prethodna pitanja.

Prvo, da je u Izvještaju Zajedničke komisije o usaglašavanju istovjetnog teksta Zakona o radijacijskoj i nuklearnoj sigurnosti, koji je Dom usvojio na 16. sjednici, uočena greška – bio je višak jedan amandman koji nije bio predmet usaglašavanja. Obavijestio je Dom da je Zajednička komisija otklonila tu grešku i dostavila ispravan izvještaj, koji su poslanici dobili radi informiranja.

Drugo prethodno pitanje jeste odlučivanje da li će se Prijedlog rezolucije o borbi protiv nasilja nad ženama u porodici (predlagač: poslanik Vinko Zorić) prethodno razmatrati u nadležnoj komisiji.

Dom je jednoglasno (34 glasa – 22 iz Federacije BiH i 12 iz Republike Srpske) odlučio da se Prijedlog navedene rezolucije prethodno razmatra u komisiji.

Dalje je predsjedavajući rekao da je na Proširenom kolegiju usaglašena dopuna prijedloga dnevnog reda uvrštavanjem dvije tačke:

- Zahtjeva poslanika Jerka Ivankovića Lijanovića za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje i
- Izvještaja o učešću pripadnika Oružanih snaga, policijskih i državnih službenika BiH u operacijama podrške miru za period od 1. 3. 2007. do 31. 8. 2007.;

Predsjedavajući je naglasio da su poslanici na klupe dobili dopunjeni prijedlog dnevnog reda.

Nije bilo rasprave pa je predsjedavajući konstatirao da 18. sjednica Doma ima sljedeći

DNEVNI RED

1. Usvajanje Zapisnika 16. sjednice Predstavničkog doma;
2. Poslanička pitanja i odgovori;
3. Izvještaj komisije Kolegija o nastojanju za postizanje saglasnosti o Prijedlogu zakona o osnivanju Zavoda za izvršenje krivičnih sankcija, pritvora i drugih mjera (zakon u prvom čitanju);
4. Izvještaj komisije Kolegija o nastojanju za postizanje saglasnosti o prijedlogu zaključka Sefera Halilovića, predloženog u raspravi na nastavku 16. sjednice povodom zahtjeva SDP-a za rekonstrukciju Vijeća ministara BiH;
5. Zahtjev poslanika Jerka Ivankovića Lijanovića za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje;

6. Prijedlog zakona o izmjenama i dopunama Zakona o javnim nabavkama BiH (drugo čitanje);
7. Prijedlog zakona o internoj reviziji u institucijama Bosne i Hercegovine (drugo čitanje);
8. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine – zakon broj: 01-02-9-47-1/07, od 12.9.2007. (drugo čitanje);
9. Prijedlog zakona o izmjenama i dopunama Zakona o Državnoj agenciji za istrage i zaštitu, sa Izvještajem Zajedničke komisije za odbranu i sigurnost BiH;
10. Prijedlog zakona o izmjenama i dopunama Zakona o policijskim službenicima Bosne i Hercegovine (drugo čitanje);
11. Prijedlog zakona o izmjeni Zakona o Vijeću ministara BiH– predlagač: poslanik Drago Kalabić (drugo čitanje);
12. Prijedlog zakona o vinu, rakiji i drugim proizvodima od grožđa i vina (drugo čitanje);
13. Prijedlog zakona o izmjenama i dopunama Zakona o carinskoj politici – predlagač: Komisija za vanjsku trgovinu i carine (drugo čitanje);
14. Prijedlog zakona o izmjenama i dopunama Zakona o akcizama u BiH- predlagač: Komisija za vanjsku trgovinu i carine (drugo čitanje);
15. Prijedlog zakona o izmjenama i dopunama Zakona o putnim ispravama BiH (prvo čitanje);
16. Prijedlog zakona o zabrani negiranja, minimiziranja, opravdavanja ili odobravanja holokausta, zločina genocida i zločina protiv čovječnosti – predlagač: poslanik Ekrem Ajanović, s Mišljenjem Zajedničke komisije za ljudska prava, prava djeteta, mlade, imigraciju, izbjeglice, azil i etiku;
17. Prijedlog zakona o policijskoj strukturi u BiH (predlagači: poslanici Drago Kalabić i Branko Dokić), s Mišljenjem Zajedničke komisije za odbranu i sigurnost;
18. Prijedlog kodeksa ponašanja za poslanike i delegate – predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (prvo čitanje);
19. Prijedlog odluke o imenovanju članova Vijeća nacionalnih manjina BiH – predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
20. Prijedlog zaključka o imenovanju članova u Ad hoc komisiju za imenovanje tri ombudsmena u Institutiju ombudsmena za ljudska prava BiH;
21. Imenovanje člana Upravnog odbora Javnog RTV servisa BiH iz bošnjačkog naroda;
22. Godišnji izvještaj za 2006. godinu Institucije ombudsmena za ljudska prava BiH;
23. Izvještaj o radu i poslovanju Javnog radiotelevizijskog servisa BiH, sa Izvještajem o radu Upravnog odbora;
24. Izvještaj Ureda za reviziju institucija BiH o izvršenoj reviziji BHRT-a za 2005. i 2006. godinu;
25. Izvještaji Ureda za reviziju institucija BiH o izvršenoj reviziji u 2006. godini sljedećih institucija:
 - a) Institucije ombudsmena za ljudska prava BiH
 - b) Komisije za imovinske zahtjeve raseljenih lica i izbjeglica
 - c) Komisije za koncesije BiH
 - d) Komisije za očuvanje nacionalnih spomenika BiH
 - e) Službe za poslove sa strancima
 - f) Centralne izborne komisije BiH
 - g) Uprave za indirektno oporezivanje
 - h) Uprave BiH za zaštitu zdravlja bilja
 - i) Ureda za razmatranje žalbi
 - j) Ureda za veterinarstvo BiH
 - k) Ureda za zakonodavstvo BiH
 - l) Državne granične službe BiH-DGS
 - m) Izvještaja o izvršenju Budžeta institucija BiH i međunarodnih obaveza BiH za 2006.;
26. Zbirni izvještaj o reviziji finansijskog poslovanja institucija BiH za 2006., s prijedlogom zaključaka i preporuka;
27. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1. 3. 2007. do 31. 8. 2007.;
28. Informacija o neovlaštenoj proizvodnji i stavljanju u promet opojnih droga u Bosni i Hercegovini u periodu 2005. i 2006. godina, s tendencijama za prvih šest

mjeseci 2007. godine;

29. Informacija Vijeća ministara BiH o realizaciji zaključaka sa 59. i 73. sjednice Doma prethodnog saziva povodom razmatranja prijedloga zaključaka Komisije za ljudska prava, imigraciju, izbjeglice i azil o rezultatima rješavanja predstavke Udruženja decertificiranih policajaca Federacije BiH i Udruženja decertificiranih policajaca Republike Srpske (predlagač: poslanik Zlatko Lagumdžija);
30. Prijedlog zaključaka Zajedničkog kolegija oba doma povodom rasprave na 7. zajedničkoj sjednici oba doma;
31. Prijedlog zaključaka u vezi s Informacijom o racionalizaciji DKP mreže u BiH (podnosilac: Komisija za vanjske poslove Predstavničkog doma);
32. Prijedlog zaključka o osnivanju Privremene zajedničke komisije za utvrđivanje devizne štednje građana BiH, položene na račune domicilnih banaka i filijala u Bosni i Hercegovini;
33. Prijedlog zaključka u vezi s raspoređivanjem ostvarenog akumuliranog viška prihoda, iskazanog u Izvještaju o izvršenju Budžeta institucija BiH (predlagač: Komisija za finansije i budžet);
34. Mišljenje Komisije za finansije i budžet o materijalima Ureda za razmatranje žalbi, s prijedlogom zaključaka;
35. Inicijativa poslanika Denisa Bećirovića od 6. 9. 2007. u vezi sa stadionom pod Bijelim brijegom;
36. Davanje saglasnosti za ratifikaciju:
 - a. Sporazuma o ekonomskoj, trgovinskoj i tehničkoj saradnji između Bosne i Hercegovine i Vlade države Katar,
 - b. Sporazuma između Vijeća ministara BiH i Vlade Rumunije o saradnji u borbi protiv terorizma i organiziranog kriminala,
 - c. Sporazuma o saradnji u oblasti obrazovanja, kulture i sporta između Vijeća ministara BiH i Vlade Republike Italije,
 - d. Evropske konvencije o državljanstvu i
 - e. Sporazuma između Vlade Bosne i Hercegovine i Vlade Savezne Republike Njemačke o finansijskoj saradnji u 1995. godini.

Ad. 1. Usvajanje Zapisnika 16. sjednice Predstavničkog doma

Beriz Belkić iznio je primjedbu na Zapisnik, jer u 5. tački nisu navedeni rezultati glasanja o Zakonu o usvajanju Zakona o izmjenama i dopunama Zakona o putnim ispravama.

U okviru rasprave o Zapisniku Husein Nanić iznio je primjedbu na Zapisnik 15. sjednice, rekavši da je navedeno da je on odsustvovao, što nije tačno. Rekao je da nije Zapisnik pročitao kada je bio na dnevnom redu radi usvajanja i protestovao zbog te netačnosti, što je objavljeno i na veb-stranici.

Predsjedavajući Živković rekao je da je opravdana primjedba Beriza Belkića na Zapisnik 16. sjednice te da će se to ispraviti.

Što se tiče primjedbe Huseina Nanića, predsjedavajući je rekao da je ta greška već ispravljena, ali da svaki poslanik treba pročitati zapisnik i blagovremeno dati primjedbu ako ima potrebe.

Zatim je predsjedavajući dao na glasanje Zapisnik 16. sjednice.

Zapisnik je usvojen jednoglasno – sa 34 glasa – 22 iz Federacije BiH i 12 iz Republike Srpske.

Ad. 2. Poslanička pitanja i odgovori

Predsjedavajući je podsjetio da su do ove sjednice odgovore na pitanja dobili:

- Niko Lozančić - od Vijeća ministara BiH na pitanje postavljeno na 9. sjednici,
- Šefik Džaferović, Rifat Dolić, Momčilo Novaković, Martin Raguž i Adem Huskić – od Vijeća ministara BiH na pitanja postavljena na 10. sjednici,
- Sadik Bahtić, Drago Kalabić, Adem Huskić i Sefer Halilović – od Vijeća ministara BiH na pitanja postavljena na 12. sjednici,
- Rifat Dolić – od Centralne banke i od Tužilaštva BiH - na pitanja postavljena na 14. sjednici,
- Sefer Halilović od Ministarstva sigurnosti BiH; Niko Lozančić, Sadik Bahtić, Rifat Dolić – od Vijeća ministara BiH na pitanja postavljena na 14. sjednici,

- Slavko Jovičić, Lazar Prodanović i Rifat Dolić - od Vijeća ministara BiH i od Kolegija Doma na pitanja postavljena na 14. sjednici,
- Zlatko Lagumdžija – od Centralne izborne komisije BiH na pitanja postavljena na 14. sjednici,
- Drago Kalabić – od Tužilaštva BiH na pitanje postavljeno na 14. sjednici,
- Rifat Dolić – od Javnog preduzeća Elektroprivreda BiH – na pitanje postavljeno na 14. sjednici,
- Sefer Halilović – od Uprave za indirektno oporezivanje BiH – na pitanje postavljeno na 14. sjednici,
- Jozo Križanović – od Kolegija Doma na pitanja postavljena na 15. sjednici,
- Remzija Kadrić – od Vijeća ministara BiH na pitanje postavljeno na 15. sjednici,
- Denis Bećirović - od kolegija oba doma na pitanja postavljena na 15. sjednici,
- Rifat Dolić – od Agencije za privatizaciju na pitanje postavljeno na 15. sjednici,
- Azra Alajbegović – od Vijeća ministara BiH na pitanje postavljeno na 15. sjednici,
- Snježana Rajilić – od Uprave za indirektno oporezivanje BiH – na pitanje postavljeno na 15. sjednici.

Odgovore na pitanja komentirali su: Niko Lozančić, Slavko Jovičić, Rifat Dolić, Sefer Halilović, Lazar Prodanović, Branko Dokić, Sadik Bahtić, Martin Raguž, Jozo Križanović, Šefik Džaferović i Momčilo Novaković.

Komentirajući odgovore, pitanja su ponovo postavili:

Momčilo Novaković:

Od Vijeća ministara BiH zatražio dopunu odgovora na pitanje postavljeno na 10. sjednici, sa sljedećim pitanjem: Da li institucije Federacije BiH, koje su smještene u Sarajevu u objektima čiji je vlasnik bila SRBiH (navedene u odgovoru), plaćaju zakup budžetu institucija BiH? Tražim da se utvrdi sudbina (korisnik) za objekte koji su navedeni u odgovoru.“

Niko Lozančić:

„U skladu s članom 154. stav (1) i (4) Poslovnika Predstavničkog doma, od Vijeća ministara BiH i Regulatorne agencije za komunikacije, nezadovoljan ranije ponuđenim odgovorom, tražim odgovor na postavljeno poslaničko pitanje: Koja je opravdanost Odluke Regulatorne agencije za komunikacije (RAK) o uvođenju naplate nacionalnog rominga između tri operatera mobilne telefonije u BiH: Eroneta, BH Telekom i M:tel-a, koja je stupila na snagu 1.8.2007.“

Slavko Jovičić:

„Нисам задовољан са одговором од свих институција БиХ. Зато понављам иста питања. Хоћу да добијем одговор – име и презиме, његову националну припадност, а не да ми пише грађанин јер сви се подразумејева да смо грађани, него је ли Бошњак, Србин, Хрват или остали. Хоћу такав извјештај.“

Rifat Dolić:

„Други одговор добио сам од генералног секретара Савјета министара које је сабрало преписке од Министарства цивилних послова, Министарства спољних послова и Министарства правде и доставило укупно 10 дописа. Нажалост, морам рећи да сам добио само дио преписке јер ја посједујем дописе на овим релацијама које нисам добио у одговору. За мене је питање зашто нисам добио сву преписку или су неки дописи ишли приватно са потписом институције. Дакле, молим да ми се одговор на питање комплетира онако како сам тражио у посланичком питању постављеном на 14. сједници.“

Postavljena su nova pitanja kako slijedi:

Savo Erić:

„Na moje pitanje koje sam postavio Predsjedništvu BiH, a odnosi se na Ugovor između Srpske pravoslavne crkve i BiH, nisam dobio odgovor i molim vas da provjerite šta je bilo s tim. Imajući u vidu da su ta dva ugovora trebalo da idu paralelno, kad smo usvajali Ugovor sa Svetom Stolicom, dogovorili smo da usvojimo ovaj i da će ovaj brzo biti gotov. Koliko ja imam informacija, svi papiri su stigli u Predsjedništvo BiH i tražim da vidimo šta je s tim.“

Velimir Jukić:

„Moje pitanje upućeno je Vijeću ministara BiH. Šta će učiniti, odnosno šta čini Vijeće ministara BiH da se osigura, a što je zakonska obaveza, pokrivenost kvalitetnim signalom javnih RTV servisa na cijelom prostoru BiH?“

Postavljam i potpitanje ili pitanje u okviru ovog pitanja – S kojim pravom, je li to logično, je li moguće, da se neko tuži i hoće prisilno da naplati RTV taksu, a uslugu uopće nije moguće isporučiti, odnosno nije isporučena usluga i nije je moguće konzumirati na tom području? Kako se radi o velikom broju zahtjeva za prisilnu naplatu, mislim da je ovo problem i da Vijeće ministara BiH, naravno preko određenih institucija i na način kako je to moguće, treba da se pozabavi ovim pitanjem. Želim odgovor što je moguće prije.“

Azra Alajbegović:

„Ja imam jedno pitanje za Tužilaštvo BiH a to je: Koliko je podignuto optužnica po osnovu optužnice za mito i korupciju u BiH, a koliko je predmeta primljeno i odbačeno kao neosnovano? Molim izvještaj za 2006. i 2007. godinu sa cjelokupnim relevantnim parametrima s obzirom na činjenicu da smo prije dva dana imali Dan borbe protiv mita i korupcije i od nevladinog sektora dobili vrlo alarmantne podatke o visokoj stopi mita i korupcije u BiH, osobito vezano za procesuiranje.“

U isto vrijeme pokrećem inicijativu prema Vladi BiH da u Budžetu BiH za 2008. godinu planira sredstva za nauku, osobito za pomoć pri izradi projekata za aplikacije na projekte koje finansira EU. Pošto ti projekti i njihova priprema za aplikaciju zahtijevaju najmanja finansijska sredstva od 10 hiljada eura tako da zapravo jedan ogroman finansijski potencijal praktično nije moguć i nije dostupan naučnoj javnosti u BiH zbog odsustva sredstava za pripremu i apliciranje.“

Husein Nanić:

„Htio bih iskoristiti priliku i danas postaviti dva pitanja ministru vanjskih poslova BiH.“

„Prvo pitanje: U čijoj je nadležnosti utvrđivanje tehničkih procedura za podnošenje zahtjeva za vize i šta će Ministarstvo učiniti da se tehnički popravi način podnošenja zahtjeva kako bi se smanjili redovi i duga čekanja ispred ambasada?“

„Sljedeće pitanje je također za Ministarstvo vanjskih poslova BiH i Predsjedništvo BiH. Šta su ili što će učiniti konkretno da bi se uspješno okončala kampanja i BiH postala nestalna članica Vijeća sigurnosti, s obzirom da kao protukandidata imamo Poljsku koja je već punopravna članica NATO-a i EU, a ima i mnoge prednosti u odnosu na BiH?“

Sadik Bahtić:

„Za Vijeće ministara BiH, Ministarstvu sigurnosti BiH – Koji nosioci izvršne i zakonodavne vlasti i zvaničnici po zakonu imaju pravo na ličnu pratnju i osiguranje? Koliko je zaposlenih angažirano na tim poslovima i koliko to košta građane BiH, budžet?“

Šemsudin Mehmedović:

„Imam jedno veoma kratko pitanje, a upućujem ga Komisiji za reviziju državljanstava BiH. Da li je Komisija za reviziju državljanstava BiH ikada vršila reviziju dobivenih državljanstava BiH u Brčko Distriktu BiH, te ko je, imenom i prezimenom, i kada vršio reviziju? Jer se, prema nekim izvorima, raspolaze podacima da se u Brčko Distriktu BiH vodi 7.000 građana koji su fiktivno dobili državljanstvo BiH, te da su se neophodni dokumenti mogli nabaviti na ulici – a ako nije vršena revizija, kada će?“

Remzija Kadrić:

„Na 9. sjednici Predstavničkog doma, koja je održana 23. maja ove godine, postavio sam sljedeće pitanje: Da li je na snazi Zakon o praznicima, a koji je objavljen u „Službenom listu SRBiH“, br. 2/92? Pitanje sam uputio Vijeću ministara BiH i ni do danas nisam dobio odgovor. Ovo pitanje, dakle, ponavljam i očekujem pisani odgovor u rokovima koji su utvrđeni Poslovnikom Predstavničkog doma“.

Rifat Dolić:

„Pitanje postavljam ministru vanjske trgovine u Vijeću ministara BiH gosp. Puhalcu i direktoru Uprave za indirektno oporezivanje gosp. Kemalu Čauševiću.

Čime je motivirana izmjena procedure za carinjenje robe na graničnom prijelazu Hukića brdo kod Velike Kladuše od kraja jula ove godine, koja ima za posljedicu višestruko produženje trajanja carinjenja, enormno povećanje troškova carinjenja, maltretiranje uvoznika i prijevoznika na granici i masovnu preorijentaciju uvoznika na druge i po više od 100 km udaljenije prijelaze i carinarnice? Zašto preko graničnog prijelaza Hukića brdo nije dozvoljen ulaz i carinjenje pa čak ni izlaz praznim cisternama za gorivo i zašto do danas granični prijelaz Hukića brdo nije dobio status prijelaza prve kategorije koji mu je dodijeljen Projektom CAFAO?“

Sefer Halilović:

„Prvo moje pitanje upućeno je Kolegiju Predstavničkog doma Parlamentarne skupštine BiH – Kada će i zašto do sada nije realizirana odluka ovog doma, kao najvišeg organa zakonodavne vlasti u BiH, da se vrši direktan TV prijenos sjednica ovog Predstavničkog doma?“

„Druga dva kratka pitanja upućena su ministru vanjske trgovine i ekonomskih odnosa, a odnose se na ona pitanja koja sam postavio gosp. Čauševiću a na koja on neće da odgovori, odnosno ja ga pitam jedno, on priča drugo. – Da li su i kada dobili akt Uprave za indirektno oporezivanje od 30.12.2005. i šta su preduzeli po tim aktima? Također molim nadležnu službu PSBiH da moja poslanička pitanja dostavi direktoru SIPA-e i glavnom državnom tužiocu s ciljem utvrđivanja krivične odgovornosti.

„Drugo kratko pitanje o upitu za Upravni odbor Uprave za indirektno oporezivanje, odnosno i za predsjedavajućeg gosp. Pitera Nikola, kao i za predsjedavajućeg Vijeća ministara gosp. Nikolu Špirića.

Kako je članom 9. Zakona predviđeno da direktora imenuje Vijeće ministara BiH a da Upravni odbor služi kao izborno tijelo, molim vas da mi odgovorite - Šta ste do sada predvidjeli u vezi sa izborom direktora Uprave za indirektno oporezivanje?“

Ministru pravde i ministru civilnih poslova postavio je sljedeća pitanja:

1. Šta je do sada učinjeno u pogledu rješavanja statusa Zavoda za zdravstvenu zaštitu kada se zna da je na 70. sjednici, od 19.11.2004., Vijeće ministara BiH usvojilo informaciju Ministarstva civilnih poslova BiH o aspektima primjene člana 29. Zakona, te za realizaciju zadužilo Ministarstvo pravde BiH i Ministarstvo civilnih poslova BiH.

2. Šta je do sada učinjeno u pogledu rješavanja statusa Zavoda za geodetske poslove kada se zna da je na 70. sjednici, od 19.11.2004., Vijeće ministara BiH usvojilo informaciju Ministarstva civilnih poslova BiH o aspektima primjene člana 29. Zakona, te za realizaciju zadužilo Ministarstvo pravde BiH i Ministarstvo civilnih poslova BiH.

Niko Lozančić:

Javnost je prije nekoliko dana obaviještena o još jednoj pljački, ovaj put na Međunarodnom aerodromu u Sarajevu. Pitam Ministarstvo sigurnosti BiH - Šta je učinilo, šta čini i šta namjerava učiniti kako bi se i naše agencije za provođenje zakona osposobile da se visokoprofesionalno organizirano suprotstave dobro organiziranim kriminalcima? Ovom prilikom obaviješteni smo da je odneseno nekoliko vreća s novcem, nekih 2,5 miliona neke valute. Pitam, kako su se vreće s novcem našle na Međunarodnom aerodromu i da li to znači da se svakodnevno vreće s novcem iznose iz BiH? Na osnovu kojeg propisa je to dopušteno i ako jeste, ko je odgovoran da zaštiti takve pošiljke?“

Branko Dokić:

„Ja imam dva pitanja. Jedno pitanje je vama u Kolegiju Predstavničkog doma i inicijativa. Pitanje je - da li ste razmatrali pitanje uvođenja internet televizije u ovu zgradu koja bi omogućila znatno efikasnije praćenje skupštinskih zasjedanja i ako niste, evo i prijedlog i inicijativa da se to što

prije razmotri i da se što prije uvede, da budemo kao i drugi parlamenti i da ona obavezno bude na onim najprometnijim mjestima u ovoj zgradi, kao što je hol, kao što je kafana, kao što je restoran.“

„I drugo pitanje jeste - da li ste razmatrali i kada ćete učiniti ovaj ovdje ekran, u koji gledamo po cijeli dan, znatno efikasnijim, da imamo puno više informacija na njemu nego što imamo, a tu mogu da budu informacije evo oko ovih stvari koje smo i danas malo polemizirali“.

„Moje sljedeće pitanje upućeno je Predsjedništvu BiH, kojim tražim da mi dostave informaciju - da li su analizirali izjave predsjednika Republike Hrvatske Stjepana Mesića izrečene na Međunarodnoj konferenciji Balkanska raskršća, koja je održana, čini mi se, 4. ovog mjeseca u Briselu, na kojoj se on svojim veoma neprimjerenim izjavama direktno miješao u unutrašnje stvari BiH?“

Isto tako, postavljam pitanje - da li je Predsjedništvo BiH pokretalo mnoga neriješena pitanja građana BiH koji su izbjegli ili protjerani iz Hrvatske, a to su pitanja njihove imovine, pitanja reguliranja radnog staža, pitanja reguliranja penzijskog staža i mnoga, mnoga druga pitanja? Ovdje posebno podvlačim i postavljam pitanje Predsjedništvu BiH - šta će učiniti, kada se radi o mnogim građanima koji su rođeni u Hrvatskoj a eto srpske su nacionalnosti, koji zbog tadašnjih zakona, zato što su im roditelji rođeni u BiH, ne mogu ni dan danas dobiti državljanstvo Hrvatske. Još jednom napominjem - rođeni su u Hrvatskoj, proveli dobar dio svog radnog vijeka u Hrvatskoj i zbog evo te diskriminacije nisu u stanju, zbog nedostatka državljanstva Hrvatske, da reguliraju mnoga druga pitanja. Da ne spominjem pitanje reguliranja imovine.“

Na prva dva pitanja postavljena Kolegiju predsjedavajući je na sjednici usmeno odgovorio.

Salko Sokolović:

„Pitanje upućeno Ministarstvu finansija i trezora BiH, u prvom dijelu i u drugom dijelu Vijeću ministara. 5,9 miliona dolara naplaćenih predratnih potraživanja preduzeća iz oblasti namjenske industrije s područja Federacije BiH već je duži vremenski period blokirano na računu Centralne banke BiH. Blokada je uslijedila oročavanjem tih sredstava od strane ministra finansija starog saziva Vijeća ministara BiH. S obzirom da se tim sredstvima planira uvezivanje staža radnicima svih preduzeća namjenske industrije, pitam ministra finansija kada će ova sredstva biti deblokirana?“

U vezi s navedenim, pitanje Vijeću ministara BiH: - Da li je i ako nije, kada će Vijeće ministara BiH pokrenuti proces naplate tih preostalih 300 miliona dolara potraživanja naših preduzeća namjenske industrije po osnovu predratnih poslova?“

Ad. 3. Izvještaj komisije Kolegija o nastojanju za postizanje saglasnosti o Prijedlogu zakona o osnivanju Zavoda za izvršenje krivičnih sankcija, pritvora i drugih mjera (zakon u prvom čitanju)

Predsjedavajući je podsjetio da je u Kolegiju postignuta saglasnost, pa je proveo glasanje o Prijedlogu zakona u prvom čitanju.

Sa 25 glasova "za" (Federacija BiH 19, RS šest) i pet "suzdržanih", usvojen je u prvom čitanju Prijedlog zakona o osnivanju Zavoda za izvršenje krivičnih sankcija, pritvora i drugih mjera.

Ad. 4. Izvještaj komisije Kolegija o nastojanju za postizanje saglasnosti o prijedlogu zaključka Sefera Halilovića, predloženog u raspravi na nastavku 16. sjednice povodom zahtjeva SDP-a za rekonstrukciju Vijeća ministara BiH

O prijedlogu zaključka iz ove tačke nije postignuta saglasnost u Kolegiju kao komisiji, rekao je predsjedavajući, i prijedlog zaključka dao na glasanje u drugom krugu.

"Za" prijedlog zaključka glasalo je 19, "protiv" četiri, "suzdržalo" se osam, pri čemu su iz Republike Srpske "protiv" glasala četiri poslanika, što je manje od 2/3 iz entiteta.

Predsjedavajući je konstatirao da je usvojen sljedeći zaključak:

Obavezuju se svi zvaničnici BiH da prilikom zvaničnih putovanja koriste pasoš države Bosne i Hercegovine.

Ad. 5. Zahtjev poslanika Jerka Ivankovića Lijanovića za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje

Nije bilo rasprave o zahtjevu za hitni postupak, pa je predsjedavajući odmah proveo glasanje.

"Za" je glasalo pet, "protiv" 20, "suzdržalo" se šest poslanika.

Predsjedavajući je konstatirao da zahtjev za hitni postupak nije usvojen. Zatim je na glasanje dao prijedlog da se predloženi zakon razmatra po skraćenom postupku, u skladu s članom 126. Poslovnika.

"Za" je glasalo šest, "protiv" 21, "suzdržalo" se pet poslanika.

Predsjedavajući je konstatirao da nije usvojena ni procedura po skraćenom postupku i da će se Prijedlog zakona razmatrati u redovnoj proceduri.

Ad. 6. Prijedlog zakona o izmjenama i dopunama Zakona o javnim nabavkama BiH (drugo čitanje)

U uvodnim napomenama predsjedavajući je rekao da je nadležna komisija podržala Prijedlog zakona i usvojila 14 amandmana, a da je u plenarnoj fazi Momčilo Novaković podnio sedam amandmana.

Momčilo Novaković obrazložio je amandmane.

Sadik Bahtić govorio je u ime Komisije.

U raspravi su učestvovali: Rifat Dolić, Bajazit Jašarević, Momčilo Novaković, Drago Kalabić i Savo Erić.

Poslije rasprave, predsjedavajući je proveo glasanje o amandmanima Novakovića. Nijedan amandman nije dobio većinu. Rezultati glasanja o amandmanima su sljedeći:

- Amandman 1. - "za" 16, "protiv" 17, "suzdržana" dva;
- Amandman 2. - "za" 16, "protiv" 17, "suzdržana" tri;
- Amandman 3. - "za" 16, "protiv" 18, "suzdržana" četiri;
- Amandman 4. - "za" 15, "protiv" 18, "suzdržano" pet;
- Amandman 5. - "za" 15, "protiv" 19, "suzdržana" četiri;
- Amandman 6. - "za" 15, "protiv" 18, "suzdržana" četiri i
- Amandman 7. - "za" 16, "protiv" 18, "suzdržana" četiri.

Nakon glasanja o amandmanima, predsjedavajući je na glasanje dao Prijedlog zakona.

"Za" je glasalo 19 (iz Federacije BiH 17, iz Republike Srpske dva), "protiv" šest, "suzdržano" 13.

Predsjedavajući je konstatirao da Prijedlog zakona o izmjenama i dopunama Zakona o javnim nabavkama BiH u drugom čitanju nije dobio entitetsku većinu, pa će se provesti usaglašavanje u Kolegiju kao komisiji.

Ad. 7. Prijedlog zakona o internoj reviziji u institucijama Bosne i Hercegovine (drugo čitanje)

Predsjedavajući je u uvodnim napomenama podsjetio da na Prijedlog zakona nije bilo amandmana ni u komisijskoj fazi i da je prihvaćen u predloženom tekstu.

Nije bilo rasprave.

Sa 34 glasa "za" (Federacija BiH 22, RS 12) i tri "suzdržana", usvojen je Zakon o internoj reviziji u institucijama Bosne i Hercegovine u predloženom tekstu.

Ad. 8. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine – zakon broj: 01-02-9-47-1/07, od 12.9.2007. (drugo čitanje)

Predsjedavajući je u uvodnim napomenama podsjetio da je nadležna komisija u predloženom tekstu prihvatila Prijedlog ovog zakona.

Šefik Džaferović je u raspravi skrenuo pažnju da se može doći u nelogičnost s obzirom da je nadležna komisija prihvatila Prijedlog zakona iz ove tačke, a za Prijedlog zakona iz naredne tačke je negativan izvještaj nadležne komisije. Rekao je da smatra da Dom treba usvojiti zakon iz ove tačke, te da predlaže da Dom ne

prihvati negativan izvještaj nadležne komisije za Prijedlog zakona o izmjenama i dopunama Zakona o Državnoj agenciji za istrage i zaštitu, jer se radi o važnom zakonu koji tretira problem koji se tiče poboljšanja u radu te službe.

U raspravi o ovoj tački dnevnog reda učestvovali su: Azra Hadžiahmetović, Šefik Džaferović, Milorad Živković, Drago Kalabić, Beriz Belkić, Niko Lozančić, Momčilo Novaković, Slavko Jovičić, Jozo Križanović, Slavko Matić i Mirko Okolić.

Poslije rasprave, predsjedavajući Živković konstatirao je da su Azra Hadžiahmetović i Šefik Džaferović – dakle, dva kluba poslanika, predložili da se odgodi izjašnjavanje o Prijedlogu zakona iz ove tačke, pa je ovaj prijedlog dao na glasanje.

"Za" prijedlog glasalo je 19 (Federacija BiH 17, RS dva), "protiv" devet, "suzdržalo" se osam poslanika.

Predsjedavajući je konstatirao da prijedlog nije dobio entitetsku većinu, te da slijedi usaglašavanje u Kolegiju kao komisiji.

Ad. 9. Prijedlog zakona o izmjenama i dopunama Zakona o Državnoj agenciji za istrage i zaštitu, sa Izvještajem Zajedničke komisije za odbranu i sigurnost BiH

Predsjedavajući je u uvodnim napomenama podsjetio da nadležna komisija nije prihvatila Prijedlog ovog zakona, te da Dom treba da raspravlja i odlučuje o negativnom Izvještaju Komisije.

Drago Kalabić predložio je da se odgodi izjašnjavanje o Izvještaju, s obzirom da je vezan uz prethodnu tačku i da je vođena jedinstvena rasprava.

Nije bilo više rasprave pa je predsjedavajući dao na glasanje predlog Kluba SNSD-a koji je iznio Kalabić.

Sa 27 glasova "za" (Federacija BiH 17, RS 10), osam "protiv" i jednim "suzdržanim", usvojen je prijedlog da se odgodi izjašnjavanje o Izvještaju Komisije.

Ad.10. Prijedlog zakona o izmjenama i dopunama Zakona o policijskim službenicima BiH (drugo čitanje)

U uvodnim napomenama predsjedavajući je rekao da je iz Izvještaja nadležne komisije jasno da nije bilo amandmana ni u komisijskoj fazi i da je u cjelini prihvatila predloženi tekst.

Nije bilo rasprave.

Sa 29 glasova "za" (Federacija BiH 19, RS 10) i šest "suzdržanih", usvojen je Zakon o izmjenama i dopunama Zakona o policijskim službenicima BiH.

Ad. 11. Prijedlog zakona o izmjeni Zakona o Vijeću ministara BiH – predlažać: poslanik Drago Kalabić (drugo čitanje)

Nije bilo amandmana u komisijskoj fazi ni na ovaj prijedlog zakona, rekao je predsjedavajući u uvodnim napomenama, dodajući da je Komisija prihvatila predloženi tekst.

Nije bilo rasprave.

Sa 20 glasova "za" (Federacija BiH 10, RS 10) i tri "suzdržana", usvojen je Zakon o izmjeni Zakona o Vijeću ministara BiH.

Ad .12. Prijedlog zakona o vinu, rakiji i drugim proizvodima od grožđa i vina (drugo čitanje)

U uvodnim napomenama predsjedavajući Živković rekao je da je nadležna komisija usvojila osam amandmana, te da je u plenarnoj fazi Slavko Jovičić podnio 19 amandmana na Prijedlog zakona.

Slavko Jovičić obrazložio je svoje amandmane.

U raspravi su učestvovali: Niko Lozančić, Jerko Ivanković Lijanović, Azra Hadžiahmetović, Mehmed Suljkanović, Slavko Jovičić, Velimir Jukić, pomoćnik resornog ministra Dušan Nešković, Šefik Džaferović, Branko Dokić, Milorad Živković, Beriz Belkić, Selim Bešlagić, Salko Sokolović, Snježana Rajilić, Drago Kalabić, Ekrem Ajanović, Sadik Ahmetović i Jozo Križanović.

Poslije duge rasprave, predsjedavajući je dao pauzu i pozvao članove Proširenog kolegija na konsultacije.

Poslije pauze, predsjedavajući je obavijestio Dom da je Prošireni kolegij raspravljao zajedno s predstavnikom Vijeća ministara BiH, odnosno resornog ministarstva, te da su odlučili da se nadležnoj komisiji Doma da mogućnost da zajedno s pomoćnikom resornog ministra ponovo razmotri Prijedlog zakona i da, eventualno, u skladu s članom 118. stav 3. (novi apsekti), predloži amandmane, nakon čega bi Dom ponovo raspravljao i odlučivao o amandmanima na Prijedlog zakona.

Ovim je završen rad na ovoj tački.

Ad. 13. Prijedlog zakona o izmjenama i dopunama Zakona o carinskoj politici - predlagač: Komisija za vanjsku trgovinu i carine (drugo čitanje)

U uvodnim napomenama predsjedavajući je rekao da je nadležna komisija prihvatila Prijedlog ovog zakona u predloženom tekstu te da nije bilo amandmana.

U raspravi Milorad Živković skrenuo je pažnju da o Prijedlogu ovog zakona Upravni odbor Uprave za indirektno oporezivanje nije dao saglasnost, da nije dobio pozitivno mišljenje ni resornog ministarstva, niti ima saglasnost entitetskih ministarstava, te da zbog toga on ne može dati svoj glas za ovaj zakonski prijedlog.

Na prigovor Mehmeda Suljkanovića i Azre Hadžiahmetović – da za ovaj zakonski prijedlog nije ni potrebna saglasnost Uprave za indirektno oporezivanje, Milorad Živković objasnio je da ovaj zakon nema podršku resornog ministarstva, a da zakon iz naredne tačke nema saglasnost Uprave za indirektno oporezivanje.

U raspravi su dalje učestvovali: Jerko Ivanković Lijanović, Momčilo Novaković, Beriz Belkić, Drago Kalabić, Šemsudin Mehmedović, Azra Hadžiahmetović, Snježana Rajilić, Vinko Zorić, Salko Sokolović, Momčilo Novaković, Bakir Izetbegović, Slavko Jovičić i Selim Bešliagić.

Poslije duge rasprave, predsjedavajući je podsjetio da je u raspravi, kao izlaz iz ove tačke, predložio zaključak – da se zaduži Vijeće ministara BiH da, u roku od mjesec dana, obavijesti Dom u kojoj fazi je postupak dopune Odluke o provedbenim propisima Zakona o carinskoj politici BiH u sferi načina osiguravanja garancije carinskog duga, a da se glasa protiv zakona, ali da nije bilo raspoloženja za ovakav zaključak. Zatim je Prijedlog zakona dao na glasanje.

Kako je bilo nelogičnosti u glasanju, predsjedavajući je dao petominutnu pauzu.

Poslije pauze rekao je da su reagirali poslanici Okolić i Jovičić da nije registrirano njihovo glasanje, a da se u listingu vidi da nisu registrirani ni neki drugi poslanici, zbog čega je traženo ponavljanje glasanja. Zatim je ponovo na glasanje dat Prijedlog zakona iz ove tačke.

Zakon je usvojen sa 18 glasova "za" (Federacija BiH 12, RS šest), 16 "protiv" i jednim "suzdržanim".

Ad. 14. Prijedlog zakona o izmjenama i dopunama Zakona o akcizama u BiH - predlagač: Komisija za vansku trgovinu i carine (drugo čitanje)

U uvodnim napomenama predsjedavajući je rekao da je nadležna komisija usvojila Prijedlog zakona sa četiri amandmana, a da u plenarnoj fazi Vinko Zorić brani također četiri amandmana.

Vinko Zorić obrazložio je svoje amandmane.

U raspravi su učestvovali: Snježana Rajilić, Sadik Bahtić, Momčilo Novaković, Velimir Jukić, Savo Erić, Šemsudin Mehmedović, Niko Lozančić, Vinko Zorić, Drago Kalabić, Milorad Živković, Azra Hadžiahmetović, Jerko Ivanković Lijanović, Jozo Križanović, Bajazit Jašarević i Šefik Džaferović.

Poslije završene rasprave, predsjedavajući je na glasanje dao prijedlog – **da se sada prekine ova tačka dnevnog reda, da se rad nastavi na 15. tački – Prijedlog zakona o izmjenama i dopunama Zakona o putnim ispravama – zbog prisustva resornog ministra, a da se onda sjednica nastavi sutra u 10 sati.**

Sa 25 glasova "za" (Federacija BiH 16, RS 9) i sedam "protiv", usvojen je ovaj prijedlog.

Ad. 15. Prijedlog zakona o izmjenama i dopunama Zakona o putnim ispravama BiH (prvo čitanje)

U uvodnim napomenama predsjedavajući je podsjetio da je Ustavnopravna komisija dostavila Mišljenje o ustavnom i pravnom osnovu ovog zakonskog prijedloga, kao i da je nadležna komisija podržala principe.

Nije bilo rasprave o Prijedlogu zakona.

Sa 34 glasa "za" (Federacija BiH 21, RS 13), usvojen je Prijedlog zakona iz ove tačke u prvom čitanju.

Prvi dan sjednice završen je u 19,45 sati. Nastavak je zakazan za sutra u 10 sati.

Sjednica je nastavljena 13.12. 2007., s početkom u 10,15 sati. Prisustvovalo je 38 poslanika.

Opravdano su odsustvovali: Halid Genjac, Adem Huskić, Denis Bećirović i Zlatko Lagumdžija.

Predsjedavajući je na početku zamolio poslanike da se suzdrže od nepotrebnih komentara i replika kako bi bili efikasniji u radu, te da će on kao predsjedavajući ograničiti raspravu o tačkama dnevnog reda kako bi završili posao.

Predsjedavajući je podsjetio da jučer nije završena **14. tačka** – Prijedlog zakona o izmjenama i dopunama Zakona o akcizama u BiH. Iz rasprave su proistekla dva zaključka – jedan poslanika Vinka Zorića i drugi poslanika Bajazita Jašarevića. Rekao da će se o predloženim zaključcima glasati nakon glasanja o Prijedlogu zakona, a ako predloženi zakon bude usvojen, neće biti svrhe glasati o zaključcima.

U raspravi su dalje učestvovali: Jerko Ivanković Lijanović, Vinko Zorić, Husein Nanić, Velimir Jukić i Azra Hadžiahmetović.

Poslije rasprave, predsjedavajući je na glasanje dao amandmane Vinka Zorića.

Prvi amandman nije usvojen. "Za" su glasala su četiri, "protiv" 17, "suzdržalo" se 14 poslanika.

"Za" drugi amandman glasalo je 13 (Federacija BiH 11, RS dva), "protiv" 10, "suzdržalo" se 12.

Zbog nedostatka entitetske većine, provedeno je usaglašavanje u Kolegiju. Nije postignuta saglasnost pa je izvršen drugi krug glasanja, kada je "za" amandman glasalo 13, "protiv" 11, "suzdržalo" se 11 poslanika. Iz Federacije BiH "protiv" je glasalo osam, iz Republike Srpske tri – što je manje od 2/3 iz entiteta.

Predsjedavajući je konstatirao da je ovaj amandman usvojen.

Treći amandman Vinka Zorića nije usvojen – "za" je glasalo 11, "protiv" 12, "suzdržalo" se 12 poslanika.

Četvrti amandman također nije usvojen – "za" glasalo 16, "protiv" 13, "suzdržalo" se 13 poslanika.

Predsjedavajući je dalje na glasanje dao Prijedlog zakona o izmjenama i dopunama Zakona o akcizama u BiH.

"Za" je glasalo 18 (Federacija BiH 15, RS tri), "protiv" 14, "suzdržala" su se tri poslanika.

Odmah je provedeno usaglašavanje u Kolegiju i nije bilo saglasnosti.

U drugom krugu glasanja "za" Prijedlog zakona glasalo je 20, "protiv" 15, "suzdržanih" nije bilo. Iz Republike Srpske "protiv" je glasalo 11, što je više od 2/3 iz entiteta. Prema tome, Prijedlog zakona nije usvojen.

Kako nije usvojen Prijedlog zakona, predsjedavajući je na glasanje dao iznesene zaključke.

Sa 25 glasova "za" (Federacija BiH 13, RS 12), četiri "protiv" i šest "suzdržanih", usvojen je zaključak koji je predložio Vinko Zorić, a koji glasi:

„Osniva se interresorna radna grupa u kojoj će biti dva predstavnika Vijeća ministara BiH, jedan predstavnik Uprave za indirektno oporezivanje i šest članova Parlamentarne skupštine BiH – po tri iz svakog doma, sa zadatkom da predloži izmjene i dopune Zakona o akcizama BiH i uputi ih u parlamentaranu proceduru najkasnije do 1.3.2008.

Predlog zaključka Bajazita Jašarevića nije dobio entitetsku većinu - "za" je glasalo 20 (Federacija BiH 17, RS tri), "protiv" devet, "suzdržalo" se šest. Predsjedavajući je rekao da će se usaglašavanje izvršiti naknadno.

Prijedlog zaključka glasi:

„Zadužuje se Vijeće ministara BiH da, u roku od 60 dana, izradi i dostavi Prijedlog zakona o Fiskalnom vijeću s ciljem stvaranja pretpostavki za ukidanje nadležnosti Upravnog odbora Uprave za indirektno oporezivanje i, što je važnije, uspostavljanja institucije koja će stvarati pretpostavke za kreiranje ekonomske politike, fiskalne politike i realnije planiranje budžeta i realnije raspodjele prihoda između svih nivoa vlasti.“

Ad.16. Prijedlog zakona o zabrani negiranja, minimiziranja, opravdavanja ili odobravanja holokausta, zločina genocida i zločina protiv čovječnosti – predlaže: poslanik Ekrem Ajanović, s Mišljenjem Zajedničke komisije za ljudska prava, prava djeteta, mlade, imigraciju, izbjeglice, azil i etiku

U uvodnim napomenama predsjedavajući je podsjetio da je negativno mišljenje nadležne komisije o Prijedlogu zakona iz ove tačke i da se raspravlja i odlučuje o Izvješčaju, u skladu s Poslovnikom.

Ekrem Ajanović je, u svojstvu predlaagača, obrazložio Prijedlog zakona.

U raspravi su učestvovali: Sadik Ahmetović, Slavko Jovičić, Azra Hadžiahmetović, Bakir Izetbegović, Ekrem Ajanović, Milorad Živković, Drago Kalabić, Šefik Džaferović, Remzija Kadrić, Martin Raguž, Sefer Halilović, Branko Dokić, Beriz Belkić i Momčilo Novaković.

Poslije rasprave provedeno je glasanje o Mišljenju Komisije. "Za" je glasalo 11, "protiv" 20, "suzdržala" su se tri poslanika.

Predsjedavajući je konstatirao da Mišljenje Komisije nije usvojeno i da se Prijedlog vraća Komisiji, a da će se Komisiji dostaviti transkript rasprave što će joj poslužiti kao smjernice.

Ad.17. Prijedlog zakona o policijskoj strukturi u BiH (predlagači: poslanici Drago Kalabić i Branko Dokić), s Mišljenjem Zajedničke komisije za odbranu i sigurnost

Predsjedavajući je u uvodnim napomenama podsjetio da je i o ovom prijedlogu zakona negativno mišljenje nadležne komisije i da se o Mišljenju raspravlja i odlučuje.

Branko Dokić kratko je govorio u svojstvu predlagača.

U raspravi su učestvovali: Vinko Zorić, Šefik Džaferović, Branko Dokić, Azra Hadžiahmetović, Beriz Belkić i Selim Bešliagić.

Poslije rasprave Dom se izjasnio o Mišljenju Komisije.

"Za" je glasalo 20 (Federacija BiH 18, RS dva), "protiv" devet, "suzdržalo" se pet poslanika.

Predsjedavajući je konstatirao da Mišljenje nije dobilo entitetsku većinu i da slijedi usaglašavanje u Kolegiju kao komisiji.

Ad. 18. Prijedlog kodeksa ponašanja za poslanike i delegate – predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku (prvo čitanje)

Predsjedavajući Živković dao je uvodne napomene o dosadašnjoj proceduri na pripremi Kodeksa.

U raspravi su učestvovali: Sadik Ahmetović, Milorad Živković, Milica Marković, Remzija Kadrić, Jerko Ivanković Lijanović, Rifat Dolić, Momčilo Novaković, Savo Erić i Lazar Prodanović.

Poslije rasprave, sa 33 glasa "za" (Federacija BiH 20, RS 13), jednim "protiv" i bez "suzdržanih" glasova, usvojen je Prijedlog kodeksa u prvom čitanju.

Ad. 19. Prijedlog odluke o imenovanju članova Vijeća nacionalnih manjina BiH

- predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku

Poslije uvodnih napomena predsjedavajućeg, kratko je diskutirao Sefer Halilović.

Dom je, sa 21 glasom "za", (Federacija BiH 13, RS osam) i četiri "suzdržana", usvojio Odluku o imenovanju članova Vijeća nacionalnih manjina BiH. U Vijeće nacionalnih manjina BiH imenovani su:

1. Halil Bicaj (Albanac)
2. Jovanka Manžalović Šalaka (Čehinja)
3. Tihomir Knežiček (Italijan)
4. Jakob Finci (Jevrej)
5. Vasilija Ibrahimagić (Makedonka)
6. Nedžad Jusić (Rom)
7. Andrija Svatok (Ukrajina)
8. Irena Milivojević (Mađarica)
9. Darko Kovč (Poljak)
10. Marija Grbić (Slovenka)

Ad. 20. Prijedlog zaključka o imenovanju članova u Ad hoc komisiju za imenovanje tri ombudsmena u Instituciju ombudsmena za ljudska prava BiH

Poslije uvodnih napomena predsjedavajućeg, o ovoj tački diskutirao je Rifat Dolić.

Sa 20 glasova "za" (Federacija BiH 12, RS osam), dva "protiv" i pet "suzdržanih", usvojen je Zaključak iz ove tačke. U Ad hoc komisiju imenovani su: Niko Lozančić, Azra Hadžiahmetović i Drago Kalabić.

Ad. 21. Imenovanje člana Upravnog odbora Javnog RTV servisa BiH iz bošnjačkog naroda

U uvodnim napomenama predsjedavajući je podsjetio da je nadležna komisija podržala rang-listu kandidata koju je dostavila Regulatorna agencija za komunikacije i da su na rang-listi: Ahmed Žilić, Zija Dizdarević, Muhamed Mujakić i Šaćir Filandra.

U raspravi o ovoj tački učestvovali su: Drago Kalabić, Azra Hadžiahmetović, Milorad Živković, Selim Bešlagić, Slavko Jovičić, Mehmed Suljkanović i Branko Dokić.

Poslije rasprave, provedeno je glasanje po redoslijedu s rang-liste.

"Za" prvog kandidata glasala su 23 (Federacija BiH 17, RS šest), "protiv" jedan, "suzdržalo" se osam poslanika.

Predsjedavajući je konstatirao da je za člana Upravnog odbora Javnog RTV servisa BiH imenovan Ahmed Žilić.

Ad. 22. Godišnji izvještaj za 2006. godinu Institucije ombudsmena za ljudska prava BiH

Predsjedavajući Živković podsjetio je da je nadležna komisija prihvatila Godišnji izvještaj i Domu predložila na usvajanje određeni zaključak.

U raspravi su učestvovali: Rifat Dolić, Husein Nanić, Azra Hadžiahmetović, Milorad Živković, Beriz Belkić, Selim Bešlagić, Niko Lozančić i Snježana Rajilić.

U ime Institucije ombudsmena govorio je Mariofil Ljubić.

Poslije rasprave, sa 26 glasova "za" i šest "suzdržanih", usvojen je Godišnji izvještaj za 2006. godinu Institucije ombudsmena, s Mišljenjem nadležne komisije i zaključkom koji glasi:

Daje se podrška Instituciji ombudsmena za ljudska prava BiH da u 2007. godini realizira sve prijedloge koje je preporučila u svom Godišnjem izvještaju za 2006. godinu, s posebnim akcentom na dužinu sudskih postupaka pred sudovima u BiH, sprečavanje kršenja prava iz radnog odnosa, zaštitu socijalnih prava itd.

Zatim je predsjedavajući na glasanje dao zaključak koji je u raspravi predložio Husein Nanić.

Sa 27 glasova "za" i četiri "suzdržana", usvojen je sljedeći zaključak:

Predstavnički dom Parlamentarne skupštine BiH zadužuje Vijeće ministara BiH da primjedbe, prijedloge, preporuke i zaključke iznesene u Godišnjem izvještaju Ombudsmena za ljudska prava BiH za 2006. godinu analizira i izradi prijedlog mjera za njihovo rješavanje. Prijedlog mjera bit će dostavljen Parlamentarnoj skupštini BiH na razmatranje u roku od 60 dana.

Ad.23. Izvještaj o radu i poslovanju Javnog radiotelevizijskog servisa BiH, sa Izvještajem o radu Upravnog odbora

Predsjedavajući je iznio prijedlog Kolegija da se spoji rasprava o 23. i 24. tački dnevnog reda i da se diskusija ograniči na tri minute i na dvije replike.

U uvodnim napomenama predsjedavajući je detaljno upoznao Dom o proceduri koja je provedena o Izvještaju o radu i poslovanju Javnog RTV servisa, te podsjetio na izvještaj nadležne komisije i zaključke koje predlaže.

Povodom ove i 24. tačke vođena je duža rasprava u kojoj su učestvovali: Savo Erić, Milica Marković, Sadik Bahtić, Šemsudin Mehmedović, Martin Raguž, Azra Hadžiahmetović, Branko Dokić, Jozo Križanović, Slavko Jovičić, Mehmed Suljkanović, Mirko Okolić, Niko Lozančić, Bakir Izetbegović, Selim Bešlagić, Hadži Jovan Mitrović, Šefik Džaferović, Sefer Halilović, Remzija Kadrić, Velimir Jukić, Husein Nanić, Beriz Belkić i Milorad Živković. U ime Upravnog odbora Javnog RTV servisa govorio je Nikola Deretić.

U raspravi su izneseni prijedlozi da se omogući obraćanje Domu i direktora Javnog RTV servisa Mehmeda Agovića, ali je ovaj prijedlog osporio jedan broj poslanika, uz obrazloženje da direktora Javnog servisa postavlja Upravni odbor i njemu je odgovoran, a članove Upravnog odbora imenuje Parlamentarna skupština BiH.

Zbog suprotstavljenih stavova predsjedavajući je dao na glasanje prijedlog da se omogući obraćanje i Mehmedu Agoviću.

"Za" je glasalo 15 (Federacija BiH 13, RS dva), "protiv" 12, "suzdržao" se jedan poslanik.

Kako nije bilo entitetske većine, izvršeno je usaglašavanje u Kolegiju i nije postignuta saglasnost.

U drugom krugu "za" je glasalo 14, "protiv" 12 (iz Republike Srpske 11), "suzdržao" se jedan poslanik.

Predsjedavajući je konstatirao da nije usvojen prijedlog da se i Mehmed Agović obrati Domu.

Predsjedavajući je dalje rekao da je u raspravi izneseno više prijedloga zaključaka. Naglasio je da se radi o veoma važnom pitanju o kojem treba još raspravljati i donijeti prave zaključke koji će pomoći saniranju ukupnog stanja u Javnom RTV servisu. Zato je predložio da se Izvještaj Javnog RTV servisa, Izvještaj Komisije i svi predloženi zaključci prosljede Komisiji za saobraćaj i komunikacije, da sve još jednom razmotri te da, zajedno s predlagачima zaključaka i odgovornim ljudima iz Javnog RTV servisa, predlože vrijeme i način rasprave o ovom važnom pitanju.

O ovom prijedlogu predsjedavajućeg diskutirali su Husein Nanić i Martin Raguž, a onda je predsjedavajući prijedlog dao na glasanje.

"Za" je glasalo 26 (Federacija BiH 14, RS 12), "suzdržao" se jedan poslanik.

Predsjedavajući je konstatirao da je usvojen izneseni prijedlog, pa je tako zaključio 23. i 24. tačku dnevnog reda.

Ovim je, u 20,30 sati, završen prvi dio dvodnevnog rada 18. sjednice.

Nastavak 18. sjednice održan je 17. 12. 2007., s početkom u 11,05 sati.

Prisustvovalo je 29 poslanika. Odsustvo su opravdali: Halid Genjac, Sead Jamakosmanović, Husein Nanić, Salko Sokolović, Sadik Bahtić, Adem Huskić, Zlatko Lagumdžija, Jozo Križanović, Denis Bećirović, Vinko Zorić, Jerko Ivanković Lijanović, Mirko Okolić i Branko Dokić.

Iz Vijeća ministara BiH sjednici je prisustvovao Fuad Kasumović.

Iz međunarodnih organizacija prisustvovali su predstavnici OHR-a, OSCE-a i EUSR-a.

Sjednica je nastavljena na 25. tački usvojenog dnevnog reda.

Ad .25. Izvještaji Ureda za reviziju institucija BiH o izvršenoj reviziji u 2006. godini sljedećih institucija:

- a) Institucije ombudsmena za ljudska prava BiH
- b) Komisije za imovinske zahtjeve raseljenih lica i izbjeglica
- c) Komisije za koncesije BiH
- d) Komisije za očuvanje nacionalnih spomenika BiH
- e) Službe za poslove sa strancima
- f) Centralne izborne komisije BiH
- g) Uprave za indirektno oporezivanje
- h) Uprave BiH za zaštitu zdravlja bilja
- i) Ureda za razmatranje žalbi
- j) Ureda za veterinarstvo BiH
- k) Ureda za zakonodavstvo BiH
- l) Državne granične službe BiH-DGS
- m) Izvještaja o izvršenju Budžeta institucija BiH i međunarodnih obaveza BiH za 2006.

U uvodnim napomenama predsjedavajući je podsjetio da je danas na dnevnom redu preostalih 13 izvještaja o reviziji institucija te da je nadležna komisija dostavila izvještaje s određenim zaključcima i preporukama.

U raspravi u o ovoj tački učestvovali su: Rifat Dolić, Šefik Džaferović, Slavko Jovičić, Selim Bešlagić, Velimir Jukić, Drago Kalabić, Lazar Prodanović, Azra Hadžiahmetović i Bajazit Jašarević.

Poslije rasprave, Dom je jednoglasno - sa 28 glasova "za" (Federacija BiH 16, RS 12), usvojio prijedlog predsjedavajućeg da se u paketu izjasni o svim izvještajima iz ove tačke.

Zatim je, sa 26 glasova "za" (Federacija BiH 15, RS 11) i dva "suzdržana", Dom usvojio sve izvještaje Ureda za reviziju o reviziji institucija iz ove tačke, sa izvještajima nadležne komisije i zaključcima i preporukama

Ad. 26. Zbirni izvještaj o reviziji finansijskog poslovanja institucija BiH za 2006., s prijedlogom zaključaka i preporuka

U vezi sa Zbirnim izvještajem Velimir Jukić govorio je u ime Komisije za finansije i budžet.

U raspravi su učestvovali Momčilo Novaković i Savo Erić.

Generalni revizor Milenko Šego govorio je u ime Ureda za reviziju.

Predsjedavajući je pozvao Dom da se izjasni o Zbirnom izvještaju Komisije za finansije i budžet, s prijedlogom da se u zaključku Komisije pod tačkom e) izvrši izmjena tako da se umjesto riječi „Komisija predlaže Predstavničkom domu da pokrene aktivnosti na izmjenama Poslovnika.“ upišu riječi: „Komisija predlaže Kolegiju Doma da razmotri mogućnosti za pokretanje aktivnosti na izmjenama Poslovnika...“

Zatim je predsjedavajući na glasanje dao Zbirni izvještaj Komisije, s ovom izmjenom u zaključku pod tačkom e).

"Za" su glasala 23 poslanika (Federacija BiH 14, RS devet), a dva poslanika "suzdržala" su se od glasanja.

Predsjedavajući je konstatirao da je usvojen Zbirni izvještaj Komisije za finansije i budžet o reviziji finansijskog poslovanja institucija BiH za 2006. godinu, sa zaključcima i preporukama.

Ad. 27. Izvještaj o učešću pripadnika Oružanih snaga, policijskih i državnih službenika BiH operacijama podrške miru za period od 1. 3. 2007. do 31. 8. 2007.

Predsjedavajući je podsjetio na Izvještaj nadležne komisije o Izvještaju iz ove tačke i zaključak koji Komisija predlaže Domu na usvajanje.

U raspravi je učestvovao Rifat Dolić.

Sa 23 glasa "za" (Federacija BiH 12, RS 11), jednim "protiv" i četiri "suzdržana", usvojen je Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1. 3. 2007. do 31. 8. 2007. , sa zaključkom koji je predložila Komisija, a koji glasi:

1. Konstatirano je da je Izvještaj ponovo dostavljen sa znatnim kašnjenjem, te se izražava nezadovoljstvo nepoštivanjem rokova izvještavanja od strane nadležnih institucija, što u narednom periodu treba promijeniti.

2. Zahtijeva se od nadležnih ministarstava i podnosilaca izvještaja da u narednom periodu izvještaji sadrže i relevantne informacije vezane za svakodnevne uslove rada i života pripadnika mirovnih misija u inozemstvu.

Ad.28. Informacija o neovlaštenoj proizvodnji i stavljanju u promet opojnih droga u Bosni i Hercegovini u periodu 2005. i 2006. godine, s tendencijama za prvih šest mjeseci 2007.godine

Predsjedavajući Živković podsjetio je na zaključke koje nadležna komisija predlaže u Mišljenju o Informaciji.

U raspravi su učestvovali: Azra Alajbegović, Šefik Džaferović, Snježana Rajilić, Selim Bešlagić, Velimir Jukić, Momčilo Novaković, Rifat Dolić, Bakir Izetbegović i Niko Lozančić.

Predsjedavajući je konstatirao da su u raspravi izneseni prijedlozi za modifikaciju zaključaka koje je u Mišljenju predložila Komisija, kao i dopuna zaključaka, pa je predložio da Dom Informaciju primi k znanju, a da se usvoji zaključak kojim će se Zajedničkoj komisiji za odbranu i sigurnost vratiti zaključci koje je predložila u Mišljenju i dostaviti transkript rasprave, uz sugestiju da se zaključci modificiraju i dopune u skladu s prijedlozima iznesenim u raspravi, pa da Domu predloži zaključke koji će se staviti na dnevni red možda i naredne sjednice, ako Komisija završi.

Sa 25 glasova "za" (Federacija BiH 15, RS 10) i jednim "suzdržanim", Informacija je primljena k znanju i usvojen prijedlog koji je iznio predsjedavajući.

Ad. 29. Informacija Vijeća ministara BiH o realizaciji zaključaka sa 59. i 73. sjednice Doma prethodnog saziva povodom razmatranja prijedloga zaključaka Komisije za ljudska prava, imigraciju, izbjeglice i azil o rezultatima rješavanja predstavke Udruženja decertificiranih policajaca Federacije BiH i Udruženja decertificiranih policajaca Republike Srpske (predlagač: poslanik Zlatko Lagumdžija)

U uvodnim napomenama predsjedavajući je podsjetio da je od resornog ministarstva za ovu tačku dostavljen odgovarajući materijal u formi informacije.

U okviru ove tačke diskutirali su: Mirjana Malić, Azra Hadžiahmetović, Rifat Dolić i Selim Bešliagić.

Poslije rasprave predsjedavajući je predložio da Dom Informaciju primi k znanju, a da se zaduži Kolegij Doma da uputi pitanje prema Vijeću ministara BiH o tome šta se desilo s Odlukom Vijeća ministara BiH od 31. augusta 2006. o osiguranju finansijskih sredstava u iznosu od 300 hiljada KM, o čemu će odgovor biti prezentiran poslanicima.

Sa 23 glasa "za" (Federacija BiH 14, RS devet) i dva "suzdržana", usvojen je ovaj prijedlog predsjedavajućeg.

Ad . 30. Prijedlog zaključaka Zajedničkog kolegija oba doma povodom rasprave na 7. zajedničkoj sjednici oba doma

U uvodnim napomenama predsjedavajući Živković podsjetio je da je Zajednički kolegij oba doma, nakon trodnevnog rada 7. zajedničke sjednice, pripremio prijedlog zaključaka koji su poslanici dobili, dodajući da je Dom naroda identičan tekst zaključaka već usvojio na svojoj posljednjoj sjednici.

Nije bilo rasprave.

Sa 21 glasom "za" (Federacija BiH 12, RS devet), dva "protiv" i tri "suzdržana", usvojeni su zaključci koji su usaglašeni nakon rasprave **na 7. zajedničkoj sjednici oba doma sa samo jednom tačkom dnevnog reda: Obraćanje predsjedavajućeg Vijeća ministara BiH u ostavci povodom aktuelne političke situacije.** Sadržaj zaključaka je sljedeći:

- 1. Parlamentarna skupština BiH primila je k znanju razloge i povode za podnošenje ostavke predsjedavajućeg Vijeća ministara BiH Nikole Špirića, te činjenicu da je ostavku Predsjedništvo BiH prihvatilo.**
- 2. Parlamentarna skupština BiH poziva Predsjedništvo BiH da maksimalno ubrza konsultacije o sastavu Vijeća ministara BiH, te o rezultatima hitno obavijesti Parlamentarnu skupštinu BiH.**
- 3. Zadužuju se kolegiji oba doma da naprave usaglašene prijedloge poslovnika svojih domova i predlože ih na usvajanje domovima najkasnije do kraja ovog mjeseca.**
- 4. Apelira se na lidere parlamentarnih stranaka da ulože najveće napore kako bi dogovor iz Mostara pretočili u odgovarajući dokument najkasnije do kraja ove godine, a koji bi zadovoljio zahtjeve Evropske komisije i doveo do parafiranja Sporazuma o stabilizaciji i pridruživanju Bosne i Hercegovine s Evropskom unijom.**

Ad.31. Prijedlog zaključaka u vezi s Informacijom o racionalizaciji DKP mreže u BiH (podnosilac: Komisija za vanjske poslove Predstavničkog doma)

Predsjedavajući je podsjetio da je Dom na 16. sjednici, nakon rasprave, zadužio Komisiju za vanjske poslove da zajedno s predlagačima zaključaka i predstavnikom Vijeća ministara BiH sublimira zaključke predložene u raspravi i Domu predloži na usvajanje zaključke koji su u nadležnosti Doma, te da je Komisija, postupajući po zaključku Doma, dostavila prijedlog zaključaka.

U raspravi su učestvovali: Martin Raguž, Azra Hadžiahmetović, Beriz Belkić i Selim Bešliagić.

Poslije rasprave, predsjedavajući je predložio da se zaključci usvoje u tekstu koji je predložila Komisija, s tim da se rok u trećem zaključku odredi na 1.2.2008.

Sa 20 glasova "za" (Federacija BiH 12, RS osam) i četiri "suzdržana", povodom ove tačke dnevnog reda usvojeni su sljedeći

ZAKLJUČCI

1. Predstavnički dom Parlamentarne skupštine BiH izražava nezadovoljstvo prema nadležnim institucijama BiH zbog nedostavljanja informacija o racionalizaciji DKP mreže BiH, donesenih odluka, kriterijima za njihovo donošenje, efektima donesenih odluka te daljnjim koracima u ovoj oblasti.
2. Predstavnički dom Parlamentarne skupštine BiH traži od Predsjedništva BiH da preispita odluke o zatvaranju Ambasade u Argentini i Konzulata u Bonu. Do završetka procesa preispitivanja Ministarstvo vanjskih poslova BiH zaustavit će sve započete aktivnosti.
3. Predstavnički dom traži da Ministarstvo vanjskih poslova BiH s Predsjedništvom BiH, do 1.2. 2008., pripremi cjelovitu informaciju o stanju u DKP mreži BiH i provođenju vanjske politike BiH za raspravu u Predstavničkom domu Parlamentarne skupštine BiH.

Ad . 32. Prijedlog zaključka o osnivanju Privremene zajedničke komisije za utvrđivanje devizne štednje građana BiH, položene na račune domicilnih banaka i filijala u Bosni i Hercegovini

U uvodnim napomenama predsjedavajući je podsjetio da se u Zajedničku komisiju imenuju po tri člana iz svakog doma, te da su iz Doma naroda imenovani: Dušanka Majkić, Božo Rajić i Hazim Rančić.

Azra Hadžiahmetović predložila je korekciju u Prijedlogu zaključka, tako da se umjesto riječi: „ukupne devizne štednje“ navedu riječi: „stare devizne štednje“.

Sa 22 glasa "za" (Federacija BiH 13, RS devet), dva "protiv" i dva "suzdržana", Dom je usvojio Zaključak o osnivanju Privremene zajedničke komisije iz ove tačke, a u Komisiju su imenovani: Sadik Bahtić, Velimir Jukić i Branko Dokić.

Ad . 33. Prijedlog zaključka u vezi s raspoređivanjem ostvarenog akumuliranog viška prihoda, iskazanog u Izvještaju o izvršenju Budžeta institucija BiH (predlagač: Komisija za finansije i budžet)

U uvodnim napomenama predsjedavajući je podsjetio na prijedlog zaključka Komisije za finansije i budžet.

U raspravi su učestvovali: Bakir Izetbegović, Bajazit Jašarević i Slavko Jovičić.

Poslije rasprave predsjedavajući je dao na glasanje prijedlog zaključaka Komisije.

Sa 19 glasova "za" (Federacija BiH 11, RS osam), tri "protiv" i tri "suzdržana", usvojeni su sljedeći zaključci:

1. Predlaže se Predsjedništvu BiH i Vijeću ministara BiH da ostvareni akumulirani višak prihoda, iskazan uz Izvještaj o izvršenju Budžeta BiH za 2006. godinu, prioritetno rasporedi za:

- izgradnju objekata za potrebe institucija BiH s ciljem smanjenja postojećih troškova zakupa,
- potrebe povratka izbjeglih i raseljenih lica,
- potrebe opremanja i uspostavljanja savremenih graničnih prijelaza, te potrebe opremanja Uprave za indirektno oporezivanje BiH za borbu protiv svih vrsta prekograničnog kriminala,
- provođenje reforme u oblasti plaća u institucijama BiH.

2. Zahtijeva se od Vijeća ministara BiH da, u što kraćem roku, sačini višegodišnji plan kapitalnih investicija, kako bi se u narednim godinama moglo efikasnije raspolagati budžetskim sredstvima.”

Ad. 34. Mišljenje Komisije za finansije i budžet o materijalima Ureda za razmatranje žalbi, s prijedlogom zaključaka

Predsjedavajući je podsjetio na zaključke koje Komisija predlaže u Mišljenju.

U raspravi su učestvovali: Velimir Jukić, Šemsudin Mehmedović, Bajazit Jašarević, Šefik Džaferović, predstavnik Ureda Amir Pilav, Momčilo Novaković, Snježana Rajilić i Drago Kalabić.

Predsjedavajući je konstatirao da su u raspravi izneseni zaključci koji su suprotni zaključcima Komisije. Prvo je na glasanje dao Mišljenje Komisije sa zaključcima.

Sa 18 glasova "za" (Federacija BiH 10, RS osam), četiri "protiv" i pet "suzdržanih", usvojeno je Mišljenje Komisije sa zaključcima sadržanim u Mišljenju koji glase:

1. Obavezuje se predsjedavajući Ureda za razmatranje žalbi da Pravilnik o unutrašnjoj organizaciji Ureda, za koji je Vijeće ministara BiH već dalo saglasnost, uz uslov da se u njega ugrade primjedbe Ministarstva pravde BiH, u roku od sedam dana primijeni, te ga tako korigiranog dostavi odmah Vijeću ministara BiH i Ministarstvu pravde BiH.

2. Zadužuje se Vijeće ministara BiH da u okviru svojih nadležnosti preduzme potrebne mjere kako bi se maksimalno ubrzao postupak imenovanja lica na dva upražnjena mjesta člana Ureda za razmatranje žalbi.

S obzirom da su zaključci predloženi u raspravi suprotstavljeni zaključcima Komisije, predsjedavajući je pitao predlagачa da li ima svrhe glasati o zaključcima. Šemsudin Mehmedović povukao je svoje zaključke.

Ad . 35. Inicijativa poslanika Denisa Bećirovića od 6. 9. 2007. godine u vezi sa stadionom pod Bijelim brijegom

Predsjedavajući je podsjetio da je nadležna komisija razmatrala inicijativu iz ove tačke i da je dostavila negativno mišljenje – nije prihvatila inicijativu.

U raspravi je učestvovao Selim Bešlagić.

Dom nije prihvatio Mišljenje Komisije. "Za" je glasalo 13, "protiv" 14, "suzdržao" se jedan poslanik.

Predsjedavajući je konstatirao da se Inicijativa vraća nadležnoj komisiji na dodatno razmatranje.

Ad. 36. Davanje saglasnosti za ratifikaciju:

- f. Sporazuma o ekonomskoj, trgovinskoj i tehničkoj saradnji između Bosne i Hercegovine i Vlade države Katar,
- g. Sporazuma između Vijeća ministara BiH i Vlade Rumunije o saradnji u borbi protiv terorizma i organiziranog kriminala,
- h. Sporazuma o saradnji u oblasti obrazovanja, kulture i sporta između Vijeća ministara BiH i Vlade Republike Italije,
- i. Evropske konvencije o državljanstvu i
- j. Sporazuma između Vlade Bosne i Hercegovine i Vlade Savezne Republike Njemačke o finansijskoj saradnji u 1995. godini.

Predsjedavajući je podsjetio da su svi akti iz ove tačke dobili pozitivno mišljenje Komisije za vanjske poslove.

Nije bilo rasprave.

Glasanje je izvršeno u paketu.

Dom je jednoglasno – sa 28 glasova (Federacija BiH 17, RS 11)- dao saglasnost za ratifikaciju akata iz ove tačke.

Ovim je, u 14,10 sati, realiziran dnevni red 18. sjednice.

Sastavni dio Zapisnika je transkript 18. sjednice.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
dr. Milorad Živković